

**ТРАНСПОРТ ВОСИТАЛАРИ ЭГАЛАРИНИНГ ФУҚАРОЛИК
ЖАВОБГАРЛИГИНИ МАЖБУРИЙ СУҒУРТА ҚИЛИШ
ШАРТНОМАСИ № 00/13-01/004**

Тошкент ш.

2022 йил "01" февраль

Ўзбекистон Республикаси Молия Вазирлигининг 2019 йил 27 майдаги SF 00242-сон лицензияси асосида фаолият кўрсатувчи **"XALQ SUG'URTA" МЧЖ СК** (бундан кейин матнда «**Суғурталовчи**» деб юритилади) номидан 2021 йил 30 декабр № 132 сонли ишончнома асосида ҳаракат қилувчи суғурта хизматларини ривожлантириш департаменти директори **Темиров Ж.А.**, бир томондан, АТ **"XALQ BANKI"** Бош амалиёти филиали номидан (бундан кейин матнда «**Суғурта килдирувчи**», номидан Устав асосида иш юритувчи бошқарувчи Солиев Ж., иккинчи томондан қуйидаги шартлар асосида мазкур Суғурта шартномасини туздилар:

1. ШАРТНОМАНИНГ МАЗМУНИ

1.1. Суғурталовчи Суғурта килдирувчининг мазкур шартноманинг 1-Иловасида курсатилган транспорт воситалари бўйича Ўзбекистон Республикасининг 2008 йил 21 апрелдаги "Транспорт воситалари эгаларининг фуқаролик жавобгарлигини мажбурий суғурта қилиш тўғрисида"ги Қонуни ва Вазирлар Маҳкамасининг 2008 йил 24 июндаги "Транспорт воситалари эгаларининг фуқаролик жавобгарлигини мажбурий суғурта қилиш тўғрисида"ги Ўзбекистон Республикаси Қонунини амалга ошириш чора-тадбирлари ҳақида"ги 141-сонли Қарори асосида суғурта хизматини кўрсатади.

1.2. Суғурталовчи мазкур шартномада шартлашилган суғурта мукофоти суғурта килдирувчи томонидан тўлиқ тўланганидан сўнг суғурта полиси амал қилиш муддатида суғурта ходисаси содир бўлганда шартнома (суғурта полиси) да белгиланган суғурта пули доирасида суғурта товони тўлаш мажбуриятини олиб боради.

2. СУҒУРТА ОБЪЕКТИ

Мазкур шартноманинг 1-иловасида кўрсатилган транспорт воситаларидан фойдаланишда транспорт воситалари эгалари (суғурта килдирувчи)нинг жабрланувчилар ҳаёти, соғлиги ва (ёки) мол-мулкига етказилган зарарнинг ўрнини қоплаш бўйича фуқаролик жавобгарлиги қонун ҳужжатларига мувофиқ юзага келиши билан боғлиқ бўлган мулкий манфаатлари мажбурий суғурта объектидир.

3. СУҒУРТА ПУЛИ

3.1. Ўзбекистон Республикаси Вазирлар Маҳкамасининг 2008 йил 24 июндаги "Транспорт воситалари эгаларининг фуқаролик жавобгарлигини мажбурий суғурта қилиш тўғрисида" ги Ўзбекистон Республикаси Қонунини амалга ошириш чора тадбирлари ҳақида"ги 141-сонли қарорига белгиланади ва мазкур шартноманинг 1-иловасида ҳамда ҳар бир транспорт воситаси бўйича бериладиган суғурта полисларида кўрсатилади.

4. СУҒУРТА МУКОФОТИ

4.1. Мазкур шартнома бўйича суғурта мукофотининг миқдори Ўзбекистон Республикаси Вазирлар Маҳкамасининг 2008 йил 24 июндаги "Транспорт воситалари эгаларининг фуқаролик жавобгарлигини мажбурий суғурта қилиш тўғрисида"ги Ўзбекистон Республикаси Қонунини амалга ошириш чора-тадбирлари ҳақида"ги 141-сонли Қарорига асосан тасдиқланган суғурталаш қондалари (кейинги матнларда "Суғурта қондалар" деб юритилади) 5-иловасидаги суғурта тарифларига мувофиқ ҳисоблаб чиқиладиган ва унинг миқдори шартноманинг 1-иловасида ва суғурта полисларида белгилаб қўйилди.

Суғурта мукофоти ҳар бир автоулов учун: 168 000 (бир юз олти миш саккиз минг) сўмни ташкил этди.

4.2. Мазкур шартнома бўйича суғурта мукофотини ҳисоблаш суғурталовчи томонидан мажбурий суғурта шартномасини тузиш тўғрисидаги ариза-анкетада суғурта килдирувчи томонидан кўрсатилган маълумотлардан, шунингдек суғурта қондалари 4-иловасига мувофиқ шакл бўйича тақдим этилган маълумотлардан ҳамда суғурталовчида мавжуд бўлган, ҳужжатлар асосида тасдиқланган маълумотлардан келиб чиққан ҳолда амалга оширилади.

4.3. Суғурта мукофоти тўлови пул ўтказиш йўли билан амалга оширилади. Суғурта мукофотининг тўланган кунини суғурта мукофотининг суғурталовчи ҳисоб рақамига тўлиқ миқдорда келиб тушган кунини ҳисобланади.

4.4. Суғурта мукофоти тўлиқ тўланганидан сўнг суғурталовчи томонидан суғурта килдирувчига мазкур шартноманинг 1-иловасида кўрсатилган ҳар бир транспорт воситаси бўйича суғурта полиси ва махсус давлат белгиси расмийлаштириб берилади.

5. СУҒУРТА ТОВОНИ МИҚДОРИНИ АНИҚЛАШ

5.1. Жабрланувчининг мол-мулкига зарар етказилганда суғурта тўлови суғурта полисида кўрсатилган суғурта пулининг 35 фоизидан ошиши мумкин эмас.

5.2. Бир нечта жабрланувчиларнинг мол-мулкига зарар етказилганда ҳар бир жабрланувчининг (унинг меросхўри ёки ҳуқуқий ворисининг) суғурта қопловчи миқдори ҳар бир жабрланувчининг мол-мулкига етказилган зарур даражасига мутаносиб равишда, мазкур шартноманинг 5.1-бандида кўрсатилган сумма доирасида аниқланади.

5.3. Жабрланувчининг ҳаёти ёки соғлиғига зарар етказилганда суғурта товонининг миқдори суғурта полисида кўрсатилган суғурта пулининг 65 фоизидан ортиқ бўлиши мумкин эмас.

5.4. Бир нечта жабрланувчининг ҳаёти ёки соғлиғига зарар етказилганда ҳар бир жабрланувчига (унинг меросхўрига) тегадиган суғурта товони миқдори ҳар бир жабрланувчининг ҳаёти ёки соғлиғига етказилган зарарнинг даражасига мутаносиб равишда, мазкур шартноманинг 5.3-бандида кўрсатилган сумма доирасида аниқланади.

6. СУҒУРТА ТОВОНИНИ ТЎЛАШ

6.1. Суғурталовчи суғурта килдирувчининг (фуқаролик жавобгарлиги мажбурий суғурта шартномаси бўйича суғурталанган бошқа шахснинг) ташаббуси билан ёки суғурталовчининг талабига биноан зарарни бартараф қилиш ва (ёки) қамайтириш юзасидан кечиктириб бўлмайдиган чоралар қўрилиши муносабати билан юзага келган суғурта килдирувчининг (фуқаролик жавобгарлиги мажбурий суғурта шартномаси бўйича суғурталанган бошқа шахснинг) барча билдирилган ва исботланадиган харажатларини, ҳатто бу чоралар муваффақиятсиз бўлган ҳолларда ҳам қоплайди.

6.2. Зарарни бартараф килиш ва (ёки) камайтириш бўйича харажатлар суғурта товони миқдоридан ортиқ бўлиши мумкин эмас.

6.3. Суғурта товони суд харажатларини, шунингдек жарималар ва бошқа шу каби тўловларни копламайди.

6.4. Суғурта товони етказилган зарар миқдорида, лекин суғурта полисда кўрсатилган суғурта пулидан ошмаган миқдорда суғурталовчи томонидан бевосита жабрланувчига (унинг меросхўрига ёки ҳуқуқий ворисига) тўланади (суғурта коидалрининг 56-бандида кўрсатилган ҳолатлар бундан мустасно).

6.5. Суғурта товонини тўлаш суғурталовчининг суғурта товонини тўлаш тўғрисидаги қарори қабул қилинган кундан эътиборан беш иш куни мобайнида амалга оширилади.

7. ТОМОНЛАРНИНГ ҲУҚУҚ ВА МАЖБУРИЯТЛАРИ

7.1. Мазкур шартнома томонлари бўлмиш суғурталовчи ва суғурта қилдирувчининг ҳуқуқ ва мажбуриятларига суғурта коидаларида белгиланган суғурталовчи ва суғурта қилдирувчининг ҳуқуқ ва мажбуриятлари тадбиқ қилинади ва ҳар икки томон учун мажбурий ҳисобланади.

7.2. Томонлар ушбу шартнома шартларини бажаришда бир-бирларига маълум бўлган ва тижорат сири бўлган маълумотларни сир сақлашлари шарт.

8. ШАРТНОМА ВА (ЁКИ) СУГУРТА ПОЛИСИНИНГ МУДДАТИДАН ОЛДИН БЕКОР ҚИЛИНИШИ

8.1. Мазкур шартнома ва (ёки) шартноманинг 1-иловасида кўрсатилган транспорт воситаси бўйича расмийлаштириб берилган суғурта полисининг амал қилиши:

а) транспорт воситасидан фойдаланиш белгиланган тартибда тақиқланганда;

б) суғурта полисида кўрсатилган транспорт воситаси бундан буён фойдаланиш учун яроксиз бўлиб қолганда;

в) транспорт воситасининг эгаси ўзгарганда муддатидан олдин тўхтатилади.

Мазкур шартнома ва (ёки) шартноманинг 1-иловасида кўрсатилган транспорт воситаси бўйича расмийлаштириб берилган суғурта полисининг амал қилиши қонун ҳужжатларида назарда тутилган бошқа ҳолларда ҳам муддатидан олдин тўхтатилиши мумкин.

8.2. Мазкур шартнома ва (ёки) шартноманинг 1-иловасида кўрсатилган транспорт воситаси бўйича расмийлаштириб берилган суғурта полисининг амал қилиши муддатидан олдин тўхтатилган тақдирда суғурта мукофотининг бир қисми тўланган томон суммасига ва шартнома ва (ёки) суғурта полиси амал қилишининг кунлар ҳисобидаги қолган муддатига мутаносиб равишда қайтарилади. Бунда суғурта шартномаси ва (ёки) суғурта полисининг амал қилиши мазкур шартноманинг 8.1-банди "а", "б" ва "в" қисмларида кўрсатилган бошқа асосларга кўра муддатидан олдин тўхтатилган тақдирда суғурталовчи суғурта мукофотининг қайтарилаётган қисмидан унинг суғурта шартномаси бўйича исбот қилинадиган харажатлари суммасини суғурта мукофотининг 25 фоизидан кўп бўлмаган миқдорда чегириши мумкин.

9. ТОМОНЛАРНИНГ ЖАВОБГАРЛИГИ

Томонлар мазкур шартнома ва қонунчилик ҳужжатларида кўрсатилган мажбуриятларининг ўз вақтида ва тўлиқ бажармаганликлари оқибатида иккинчи томонга етказилган зарар учун қонунчилик ҳужжатларига кўра жавобгар ҳисобланадилар.

10. ЯКУНЛОВЧИ ҚОИДАЛАР

10.1. Мазкур шартномадан келиб чиқадиган низолар қонун ҳужжатларига мувофиқ ҳал этилади.

10.2. Томонлар ўзаро розилик асосида мазкур шартномага зарур ўзгартириш ва қўшимчалар киритишлари мумкин.

10.3. Мазкур шартнома томонлар ўртасида имзолангандан сўнг қучга қиради ва томонлар қелишуви ёки улардан бирининг ташаббуси билан бекор қилиниши мумкин. Бундай ҳолда, бекор қилиш ташаббуси билан чиқаётган томон иккинчи томонни қамада ўттиз кун олдин қелишувни бекор қилиши тўғрисида ёзма хабардор қилиши лозим.

10.4. Шартнома бир хил юридик қучга эга бўлган икки нусхада тузилди ва ҳар бир томонда бир нусхада сақланади.

10.5. Суғурта шартномаси 1 йил муддатга тузилади, суғурта жавобгарлиги ҳисобланган суғурта мукофотининг суғурталовчининг ҳисоб рақамига қилиб тушгандан кейин бошланади.

10.6. Суғурта мукофоти олдиндан 100% ўтказиб берилади.

«Суғурталовчи»

«XALQ SUG'URTA» МЧЖ СК

Манзил: Ташкент ш.,

Яккасарой т., Ш.Руставели кучаси, 9.

«Халқ Банки» АТ Тошкент ш. Амалёт бўлими

х/с: 2021 6000 3049 1548 5001

МФО: 01132 СТИР: 207 119 228

ОКЭД: 65120

«Суғурталовчи» номидан:
Суғурта хизматларини ривожлантириш
департаменти директори
Темиров Ж.А.
(имзо)
М.Ў.

«Суғурта қилдирувчи»

АТ «XALQ BANKI» Бош амалиёти филиали

Манзил: Ташкент ш.,

Чилонзор т., Қатортол кучаси, 46.

«Халқ Банки» АТ Бектемир филиали

х/с: 1990 9000 3000 0112 5928

МФО: 01125 СТИР: 207 215 726

«Суғурталовчи» номидан:
Бошқарувчи
Солиев Ж.
(имзо)
М.Ў.

Илова №1
Транспорт воситасини
эгаларини фуқаролик
жавобгарлигини мажбурий
суғурта қилиш
№ 00/13-01/004-сонли шартнома
“01” февраль 2022 йил.

Транспорт воситалари рўйхати

Т/Р	ТРАНСПОРТ ВОСИТАСИ ТУРИ	ТРАНСПОРТ ВОСИТАСИ ДАВЛАТ РАҚАМИ	ТРАНСПОРТ ВОСИТАСИ МАРКАСИ	СУГУРТА МУКОФОТИ СУММАСИ
1	Енгил	01 450 VDA	COBALT	168 000
	Жами:			168 000

«Суғурталовчи»

«XALQ SUG'URTA» МЧЖ СК
Манзил: Ташкент ш.Яккасарой т.,
Ш.Руставели кучаси, 9.
“Халқ Банки” АТ Тошкент ш. Амалиёт бўлими
х/с: 2021 6000 3049 1548 5001
МФО: 01132 СТИР: 207 119 228
ОКЭД: 65120

“Суғурта килдирувчи”

АТ “XALQ BANKI” бошқаруви
Манзил: Ташкент ш,
Чилонзор т., Катортал кучаси, 46.
“Халқ Банки” АТ Бектемир филиали
х/с: 1990 9000 3000 0112 5928
МФО: 01125 СТИР: 207 215 726

«Суғурталовчи» номидан:
Суғурта хизматларини ривожлантириш
департаменти директори,
Темиров Ж.А.



«Суғурталовчи» номидан:
Бошқарувчи
Солиев Ж.



(ИМЗО)